



24-09-2023

UKA2023/19

Pele Broberg, Naleraq

## **Nioqqutissanik eqqussuineq annissuinerlu pillugit Inatsisartut inatsisaata allanngortinnera pillugu Inatsisartut inatsisissaattut siunnersuut.**

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

### **Inatsisissamut allannguinerlut siunnersuut siullermeerneqarnera**

Naleqqamiit Naalakkersuisut siunnersuutaanut qujanarpugut.

Qularutissaanngilarmi alloriaraluarneq pisariaqartoq, eqqussinissamut inatsimmut allannguissamut.

Naleqqamiit siunnersuutiginikuuvarput nunatsinni umiarsualiviit tamarmik "akitsuuserfiussanngitsut" danskisut "international frihavn".

Aatsaat nunatsinni pisiniarfinnut pisiassat atorneqarniarlutik umiarsualivimmiit anninneqarneranni akitsuusertarlugit.

Tamanna aamma isumaqarpoq nunaniit allaniit tikisitsisarnermi ajornartorsiutaasartoq, pitsaanerumik aaqqiivigineqarsinnaanera.

Naluneqanngilarmi pisiassat ilaanni akitsuuserlugit nunatsinnut eqqunneqarnikut, angallannikkut sivitsortoornikkut arlaatigulluunniit pisoqalisoorutigalugit eqqaasoqartariaqartarnera.

Nunatsinnilu Naalakkersuisut suliffiit sulisullu kaasarfiiniit aallernersuaq atoreertigigaat, Naleqqamiit kissaatigisimagaluaqaarput nunatsinni akikinnerusumik inuunissaq siunnerfigineqalissasoq.

Ajuusaarnalaarnanngitsuunngilaq maanna Naalakkersuisut ileqquliutiinnarlugulusooq allaffissorne-runissamik kingunilimmik siunnersuuteqarnerat. Soorluuna allaffissorneq isigineqartoq aningaasani isaatitsivittut, aningaasammi akiliutaasussat innuttaasut kaasarfianiissagamik.

Siunnersuut allanngorlugu akitsuutit aatsaat atuutilertarnissaat nunatsinni umiarsualivimmiit anninneqarpata, naleqqamiit akuerisinnaavarput.

Tamatuma kingunerissavaa illoqarfiit anginerit aammalu nunaqarfiit allaanerulaartumik aaqqiivigi-



# Naleraq

sariaqarnerat. Soorunalumi suli ajornannginnerpaagaluarpoq akitsuutit pisariaqarluinnartunut ap-  
parlugit, kiffaanngissuseq killilersuisinnaanerlu innuttaasuniitsillugit aaqqiisinaanissaq.

Naleqqami maannamut akileraartarnermut aaqqissusseqqittuusaarniarneq uuma siunnersuutip  
illuatungilerneranik ajuusaarutigeqaarput. Aaqqissusseqqinniarlunilu akerlianik akitsuutit  
allatigulluunniit sulisitsisut sulisartullu kaasarfiiit allaffissornerunissaq siunnerfigalugu, imminut  
assortorpoq.

Naleqqamiit innuttaasut tusaallugit, oqariartuut ingerlateqqilaarniarparput:

Nunatsinni inuuniarneq akisoreertigisoq, sooq akitsorniarpisiuk?

Naatsorsuutigaarput utoqqatsissutit pisarnermisut, tusareernikuusagut, uteqqinneqassasut. ”In-  
nuttaasut peqqissusaat pingaartilluguuna taamatut iliuuseqartugut”.

”Aningaasammi sumiinngaanniissagamik?”

Ila peqqissuseq saagulersoqqinnialerparput taava? Sooruna innuttaasut utoqqalinissaannut  
ileqqaqqugisi, Naalakkersuisullu aningaasanik atuinissaminnik pingaarnersiuisinnaanatik.  
Allaanngilaq ”Anaana, Ataata, Oorimik”, naak Naalakkersuisut Aningaasartuutiminnik  
tigussaasumik millisaanerat?

Ila innuttaasut kaasarfii imaareerpasi, periarfissilaarniarsigit atugarissaarnerunissaannut.